



Broj: 01,02,03,03/11-05-1-399,1/18

Sarajevo, 20.3.2018.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: | | 17-04-2018 | |
| Organizaciona jedinica | Klasifikaciona oznaka | Redni broj | Broj priloga |
| | | | |

Izveštaj sa sastanka Generalnog komiteta za pravosuđe, unutrašnje poslove i sigurnosnu saradnju Parlamentarne skupštine SEECР-a, Sarajevo, 2. i 3. mart 2018.

Zamjenik predsjedavajućeg Delegacije Parlamentarne skupštine BiH u Parlamentarnoj skupštini Procesu saradnje u Jugoistočnoj Evropi (PSSEECР) Bariša Čolak predsjedavao je sastankom Generalnog komiteta za pravosuđe, unutrašnje poslove i sigurnosnu saradnju PSSEECР-a, koji je održan 3. marta u Sarajevu. Parlamentarna skupština BiH bila je domaćin sastanka u okviru slovenačkog predsjedavanja ovom inicijativom. Predsjedavajući Bariša Čolak ujedno je bio i izvjestilac za Prijedlog izvještaja o temi: „Alternativni krivični postupak u politici krivičnog procesuiranja u Jugoistočnoj Evropi“.

Predsjedavajući je rekao da je, polazeći od činjenice da je sudska vlast u svim zemljama Jugoistočne Evrope opterećena velikim brojem krivičnih predmeta, nužno razmatrati druge mehanizme efikasnog djelovanja naših država, posebno kada je riječ o općem kriminalitetu. Umjesto da se tužilački dio pravosuđa bavi prevencijom najtežeg kriminala i planiranjem istraga, tužioci se bave tekućim kriminalom koji otkrivaju policijske službe. S ciljem okončanja sudskih postupaka bez suđenja, zakonodavstva jednog broja članica usvojila su određene institute anglosaksonskog krivičnog procesnog zakonodavstva kao što su: priznanje krivice, sporazum o krivici i krivični nalozi. Predsjedavajući je istakao da je institut sporazumnog odgađanja krivičnog gonjenja jedan od najkvalitetnijih modela alternativnog krivičnog gonjenja. Nekoliko zemalja Jugoistočne Evrope predvidjele su mogućnost sporazuma o odgođenom krivičnom gonjenju ako je osumnjičeni spreman ispuniti određene naloge po uputama tužioca. Sporazum se odnosi na krivična djela za koja je predviđena novčana kazna ili zatvorska kazna do tri godine. U većini zemalja Jugoistočne Evrope primjenjuje se institut sporazuma o priznanju krivice. Svaka od država zadržava pravo da svojim zakonodavstvom propisuje slučajeve u kojima je opravdano dati tužiocu isključivo pravo da zaključi sporazum o priznavanju krivice sa osumnjičenim. Na kraju svog izlaganja, predsjedavajući Čolak istakao je ulogu parlamenta država članica SEECР-a u borbi protiv svih oblika kriminaliteta pružanjem pomoći izvršnoj i sudskoj vlasti.

Na sastanku je konstatirano da se uvođenjem alternativnog rješavanja sporova u krivičnom postupku rasterećuje pravosuđe, te da se time omogućava pravosudnim institucijama da u značajnoj mjeri svoje kapacitete usmjere na rješavanje kompliciranijih krivičnih djela, poput organiziranog kriminala i korupcije, što su izazovi svih zemalja Jugoistočne Evrope. Zaključeno je da je sastanak bio izuzetna prilika da se sagledaju pozitivna iskustva zemalja regiona s ciljem da članice SEECР-a unaprijede svoje zakonodavstvo.

Generalni komitet za pravosuđe, unutrašnje poslove i sigurnosnu saradnju Rezolucijom je potvrdio važnost nastavka procesa proširenja i predanosti reformama koje su pokrenule članice SEECP-a kao dio napora uložениh u proces integracija u Evropsku uniju, prepoznajući integraciju u EU kao jedan od najznačajnijih mehanizama za očuvanje mira, stabilnosti i napretka u regiji.

Na kraju sastanka članovi Generalnog komiteta usvojili su Izvještaj i Rezoluciju koji će biti prosljeđeni Parlamentarnoj skupštini SEECP-a na razmatranje i usvajanje.

Sastanku su prisustvovali predstavnici parlamenata: Albanije, Bosne i Hercegovine, Crne Gore, Hrvatske, Rumunije, Srbije, Slovenije i Turske.

Izvještaj pripremila
parlamentarna koordinatorica


Jadranka Radović

Izvještaj odobrio
predsjedavajući komiteta PSSEECP-a

Bariša Čolak



Dostaviti:

- Kolegiju Doma naroda Parlamentarne skupštine BiH
- Kolegiju Predstavničkog doma Parlamentarne skupštine BiH
- Kolegiju Sekretarijata Parlamentarne skupštine BiH
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za odnose s javnošću
- a/a